


CYNGOR TREF PORTHMADOG



Cofnodion Cyfarfod Rheolaidd y Cyngor Tref Ebrill 9 2024

1.4.24 Presennol :- Cynghorwyr : Aled Griffith (Cadeirydd); Alwyn Gruffydd (Is-Gadeirydd); Sandra Bodden Jones; Michael Roberts; Carol Hayes; Connor Westwood; Gwilym Jones; Dr Melfyn Edwards; Llywelyn Rhys Marian Roberts (Clerc)

2.4.24 Ymddiheuriadau. : Cynghorydd John Gwynedd Roberts

3.4.24 Cadarnhau cywirdeb cofnodion Cyfarfod Llawn Mawrth 2024

Cyfeiriodd Cyng Carol Hayes at gofnod 1003/24 ynglyn â Scribe gan iddo fod ar y rhaglen unwaith eto. Eglurwyd bod sefyllfa swydd y Clerc yn achos arbennig ar y funud ac y dylid ymdrechu i hwyluso gwaith y Clerc.

Penderfynwyd - archebu rhaglen gyfrifo Scribe yn ôl cynnig Cyng Alwyn Gruffydd, Cyng Gwilym Jones yn eilio.

Cyfeiriodd Cyng Sandra Bodden Jones at gofnod 2303/24. Roedd yn awyddus i'r Clerc wirio i ble yn union fyddai'r cyfraniad yn mynd – i'r Urdd yn ganolog neu i gangen yr Urdd Cylch Porthmadog?

Penderfynwyd – y byddai'r Clerc yn gwirio gyda swyddogion cangen Urdd Cylch Porthmadog yn gyntaf cyn gyrru'r siec.

4.4.24 Datgan diddordeb.

Cyng Alwyn Gruffydd – Cais cynllunio C24/0183/44/AC Arfryn, Tremadog

CEISIADAU CYNLLUNIO

Gadawodd Cyng Alwyn Gruffydd y cyfarfod.

5.4.24 Rhif Cais : C24/0183/44/AC

Lleoliad :Land Adjacent To Arfryn, Tremadog, LL49 9RN

Bwriad: Cais i ddiwygio / dileu amodau ar ganiatad cynllunio C20/0683/44/LL fel a ganlyn:-

* Amod 2 - cytuno manylion llechi ar gyfer y to.

* Amod 3 a 6 - diwygio'r cynlluniau ar gyfer y fynedfa er gwneud defnydd o fynedfa bresennol i'r safle.

* Amod 4 - cyflwyno manylion dull gwaredu draeniad budr.

Penderfynwyd – Dim gwrthwynebiad i amodau 3,4 a 6 ond mynnu bod yr ymgeisydd yn defnyddio llechi Cymreig lleol (amod 2) yn ôl cynnig Cyng Llywelyn Rhys, Cyng Connor Westwood yn eilio.

Dychwelodd Cyng Alwyn Gruffydd i'r cyfarfod.

6.4.24 Ymgynghoriad Cyn Cyflwyno cais am ddatblygiad arfaethedig ar yn Chwarel Minffordd, Penrhyndeudraeth, Porthmadog, LL48 6HP.

Rhoddir rhybudd bod **Hochtief (UK) Construction Ltd** yn bwriadu cyflwyno cais cynllunio llawn ar gyfer newid defnydd rhan o'r chwarel bresennol er mwyn caniatáu storio, trin ac ailgylchu gwastraff anadweithiol a gwastraff nad yw'n beryglus am gyfnod dros dro.

Penderfynwyd – ymateb trwy ddatgan pryder am y pwysau traffig ychwanegol fyddai'r cynllun yma yn ei roi ar gymunedau lleol. Cyfeirwyd yn arbennig at bryderon ynglyn â sgil effeithiau llygredd; sŵn; llwch; nwyon peryglus yn osystal â thraul ar lonydd lleol yn ôl cynnig Cyng Llywelyn Rhys, Cyng Connor Westwood yn eilio.

MATERION CYFANSODDIADOL A STAFF

7.4.24 Llenwi Tabl Cydnabyddiaeth Ariannol 2024-2025

Cwblhawyd y tabl a chofnodwyd gan y Clerc fel a ganlyn :-

	Penderfyniad Ebrill 2023	Cynnig / Eilio	Penderfyniad Ebrill 2024	Cynnig / Eilio
Lwfans Cynghorwyr £150	* £156 (£124.80 wedi £31.20 Treth) oni gwrthodir	Gorfodol	£156 l bob aelod - dim treth	Gorfodol
			£52 Costau nwyddau traul	Gorfodol
£500 i aelodau Is Bwyllgor	Dim taliad	Cyng Alwyn Gruffydd Cyng Aled Griffith	Dim taliad	Cyng Llywelyn Rhys Cyng Gwilym Jones
£500 i 5 aelod i gydnabod cyfrifoldebau penodol	Dim taliad	Cyng Alwyn Gruffydd Cyng Aled Griffith	Dim taliad	Cyng Llywelyn Rhys Cyng Gwilym Jones
Costau teithio Hyd at 10k milltir	45c y filltir	Gorfodol	Gorfodol	Gorfodol
Costau teithio dros 10k milltir	25c y filltir	Gorfodol	Gorfodol	Gorfodol
Cynhaliath	£28 y diwrnod	Gorfodol	Gorfodol	Gorfodol
Llundain dros nos	£200	Gorfodol	Gorfodol	Gorfodol
Rhywle arall	£95	Gorfodol	Gorfodol	Gorfodol
Gyda theulu/frind	£30	Gorfodol	Gorfodol	Gorfodol
lawndal am golled ariannol oherwydd presenoldeb	£57.20 hyd at 4 awr	Gorfodol	Gorfodol	Gorfodol
lawndal am golled ariannol oherwydd presenoldeb	£114.40 o 4 i 24 awr	Gorfodol	Gorfodol	Gorfodol
Ad-dalu costau gofal plant ac oedolion dibynnol	Hyd at £403 y mis	Gorfodol	Gorfodol	Gorfodol
Taliad Pennaeth Dinesig - hyd at £1,500	Taliad Pennaeth Dinesig hyd at £1,500 – llai Treth Incwm	Cyng Alwyn Gruffydd Cyng Aled Griffith	Taliad Pennaeth Dinesig hyd at £1,500 – llai Treth Incwm	Cyng Alwyn Gruffydd Cyng Gwilym Jones
Taliad Dirprwy Bennaeth - hyd at £500	Dim taliad	Cyng Alwyn Gruffydd Cyng Aled Griffith	Dim taliad	Cyng Alwyn Gruffydd Cyng Gwilym Jones

8.4.24 Cymeradwyo tanysgrifiad rhaglen gyfrifo Scribe

Wedi trafod a dod i benderfyniad eisoes yn 3.4.24 uchod.

9.4.24 Cymeradwyo defnyddio cyfeiriad Y Ganolfan i dderbyn gohebiaeth y Cyngor Tref.

Penderfynwyd – gofyn caniatâd swyddogion Y Ganolfan cyn gweithredu ymhellach.

MATERION I'W DWYN GERBRON :-

10.4.24 Cyng. Llywelyn Rhys – Cynnig cwyno i Gyngor Gwynedd am y goleuadau traffig - goleuadau coch - yn cael eu gosod yn ardal Porthmadog weithiau ar benwythnosau prysur yn y flwyddyn heb unrhyw waith yn cael ei wneud wedyn am ddyddiau.

Penderfynwyd – gweithredu ar gynnig Cyng Llywelyn Rhys, Cyng Michael Roberts yn eilio.

11.4.24 Cyng. Gwilym Jones - Cynnig caniatáu i aelodau o Gyfeillion Borth y Gest i beintio mainc arosfa bws Borth y Gest.

Penderfynwyd – cefnogi dymuniad Cyfeillion Borth y Gest i beintio mainc arosfa bws Borth y Gest, Cyng Dr Melfyn Edwards yn eilio.

12.4.24 Cyng Aled Griffith – Cynnig gyrru llythyr i Premier Inn a Chyngor Gwynedd i gwyno am geir yn parcio ar lwybrau cerdded o gwmpas mynedfa i lwybr cerdded Y Cob.

Penderfynwyd – gweithredu ar gynnig Cyng Aled Griffith, Cyng Llywelyn Rhys yn eilio.

Roedd Cyng Carol Hayes yn dymuno datgan ei bodlonrwydd fod y Clerc wedi defnyddio ffurf wreiddiol y Rhaglen – roedd yn gwerthfawrogi ei ffurf bresennol.

13.4.24 Materion i'w dwyn gerbron y Cadeirydd unai er gwybodaeth neu i'w rhoi ar y Rhaglen ar gyfer y cyfarfod nesaf. Dyddiad cau Rhaglen Mai 14 2024 = Mai 4 2024 , (Rheolau Sefydlog 8.1 “ o leiaf deg diwrnod cyn cyfarfod y Cyngor”.)

- **Cyng Aled Griffith** – cynnig cwyno am lefydd parcio bysus sydd wedi dwyn llefydd parcio ceir wrth Ganolfan Byw'n Iach, Glaslyn.
- **Cyng Dr Melfyn Edwards** – cynnig gofyn am ddiweddariad ar sefyllfa Cors Borth y Gest

- **Cyng Dr Melfyn Edwards** – cynnig penderfynu ar gyfraniad y Cyngor Tref i ddatliadau Nadolig 2024 tref Porthmadog
- **Cyng Alwyn Gruffydd** – cynnig cwyno am ddirwyon parcio uniaith Saesneg gan y cwmni sy'n rheoli'r sustem barcio yn Y Ganolfan

14.4.24 Gohebiaeth : Rhestr Aros am Ateb (copi ynghlwm).
Penderfynwyd dileu pob eitem ar y rhestr cyn 13.3.24.

GOHEBIAETH :

15.4.24 Yr Urdd – Cronfa Cyfle i bawb

Penderfynwyd – derbyn y wybodaeth yn ôl cynnig Cyng Connor Westwood, Cyng Llywelyn Rhys yn eilio.

16.4.24 – Senedd Cymru – Ymgynghoriad newydd

Penderfynwyd – derbyn y wybodaeth ac ysgrifennu'n ôl i Un Llais Cymru i ddatgan nad yw'r Cyngor yn cytuno gyda'r cwota rhywedd yn ôl cynnig Cyng Llywelyn Rhys, Cyng Carol Hayes yn eilio.

Ymddiheurodd Cyng Connor Westwood am adael y cyfarfod.

17.4.24 – Cyngor Gwynedd – Tai ar Daith

Penderfynwyd – derbyn y wybodaeth ac ysgrifennu'n ôl i fynnu bod tref Porthmadog yn cael ei gynnwys ar y rhestr ac i holi pam nad yw Porthmadog yn cael ei chwota o dai newydd gan iddynt gael eu lleoli i gyd ym Mhenrhyndeudraeth ac yng Nghricieth gan fod diffyg tai hyfforddiadwy yn broblem ym Mhorthmadog yn ogystal ag ym Mhenrhyndeudraeth a Cricieth, yn ôl cynnig Cyng Aled Griffith, Cyng Llywelyn Rhys yn eilio.

18.4.24 MATERION ARIANNOL :

Ymddiheurodd y Clerc am gamgymeriadau yn y tablau isod a chywirodd nhw drwy ychwanegu'r eitemau priodol.

Derbyniadau :

H.S.B.C.	Llog Banc Chwefror Mawrth 2024	£ 53.39
CYNGOR GWYNEDD	Incwm meysydd parcio 2023	£9947.44

Ychwanegwyd :

CYNGOR GWYNEDD Ad-daliad torri gwair 2023 £1,064.50

Taliadau wedi eu gwneud yn Chwefror a Mawrth ond heb eu cynnwys ar Raglen mis Mawrth :-

1	Cyngor Gwynedd	Difa pla Cae Pawb	£ 300.00
2	Cyfrifiaduron Porthmadog	Gliniadur newydd l'r Clerc	£ 713.80
3	Y Ganolfan	Cyfarfodydd Tachwedd a Rhagfyr 2023	£ 140.00
4	Gareth Griffiths	Goleuadau Nadolig ar goed y Parc	£1,470.00

Eitem 3 a 4 uchod wedi bod ar raglen Chwefror 2024

Awdurdodwyd y taliadau canlynol :

1	Clerc	LLinell Ffôn a Wê Clerc Mawrth 2024	£
2	Clerc	Cyflog Clerc Mawrth 2024	£951.96
3	Cyllid a Thollau ei Fawrhydi	Treth Incwm cyflog Clerc Mawrth 2024	£237.80
4	Neuadd Goffa Tremadog	cyfraniad	£1,000.00
5	Merched y Wawr	cyfraniad	£100.00
6	Clwb Chwaraeon Madog	cyfraniad	£1,000.00

7	Y Ganolfan	cyfraniad	£5,000.00
8	Y Gorlan Fach	cyfraniad	£100.00
9	Cyngor Gwynedd	Torri llwybrau 2023-24	£7227.26
10	Cyngor Gwynedd	Gosod a thynnu coed Nadolig 2023	£2367.00
11	Cymru 1 Ltd	Cynnal a diweddarau'r wefan	£523.20
12	Y Ganolfan	Cyfarfod Mawrth 12	£40.00
13	Cyfeillion Ysgol y Gorlan	Cyfraniad	£200.00
14	Clwb Nofio PPB	Cyfraniad	£600.00
15	Clwb Rhwyfo Port	Cyfraniad	£250.00
16	Yr Wylan	Cyfraniad	£1,000.00
17	Yr Urdd – Cyfle I bawb	Cyfraniad	£180.00
18	CFFI Dyffryn Madog	Cyfraniad	£500.00
19	Cylch Meithrin Porthmadog	Cyfraniad	£100.00
20	Clwb Peldroed Porthmadog	cyfraniad	£500.00
21	Cae Pawb	Cyfraniad	£250.00
22	Radio Ysbyty Gwynedd	Cyfraniad	£50.00
23	Urdd Gobaith Cymru	cyfraniad	£1,000.00
24	Y Ffynnon	Hysbyseb tendr torri gwair	£14.00

- Eglurodd y Clerc fod Ceisiadau Ariannol gan fudiadau yn cael eu trafod a penderfynu arnynt yng nghyfarfod mis Chwefror bob blwyddyn fel bod y taliadau yn cael eu clirio cyn diwedd y flwyddyn ariannol. Gan fod y Clerc blaenorol wedi oedi a dal yn ôl ar y taliadau golyga hyn fod taliadau A137, A145 ac A19 2023-24 yn gorfod cario drosodd i gyllideb 2024-25. Roedd y Clerc yn mynegi pryder am oblygiadau hyn ar gyfer yr Archwiliad Allanol eleni.

(Mae copi o bob sic ar gael i'w archwilio ar gyfer awdit/rheolau ariannol)

Daeth y cyfarfod i ben am 20.15

Marian Roberts
 (Clerc)
 11.4.24